

CATALOGVS  
LECTIONVM ET  
EXERCITATIONVM

QVAE  
IN ILLVSTRI ACADEMIA IVLIA  
A FESTO PASCHATOS  
VSQVE  
AD FESTVM MICHAELIS  
ANNI MDCCCVII.  
HABEBVNTVR.

*Jul*



HELMESTADT

---

Typis GEORG-VVOIGANGI HAMMII, Acad. Typogr.  
ANNO MDCCCVII.



## FACULTAS THEOLOGICA.

**JOH. FABRICIUS D.** tradet *Ekkeſta Biblica*, ſeu ex poſteriore Samuelis, & ſequentibus V. T. libris inſigniora & difficiliora loca explicabit, eorumque uſum cum in vita, tum in concionibus adhibendum oſtendet, & ne antecedentibus explicationibus deſtituatur ſtudioſa juventus, eas typis curabit excudi. Privatim docebit *Prudentiam theologica*m, ſive modum, quem theologus obſervare tenetur, ſi eccleſiæ vel ſcholæ cum fructu velit præeſſe, quibusque præſidiis inſtructus eſſe debeat, qui ad alterutram contendit. Nec minus vacabit *collegiis examinatorio, homiletico, & biblico acroamatico.*

**IO. ANDR. SCHMIDT D.** ſuperiori ſemestri abſolvit duo poſtrema hiſtoriæ eccleſiaſticae N. T. ſecula, & hac ætate *compendium hiſtoriæ eccleſiaſticae V. T.* eadem methodo elaboratum B. C. D. illuſtrabit. Privatim tradit *controverſias cum pontificiis*, quibus ad finem perductis, perget ad illas, quæ nobis cum reformatis intercedunt. Præter *collegium dogmaticum*, publicas etiam *diſputationes* inſtituet.

**CHRISTOPHORUS TOBIAS WIDEBURGIUS D.** Quæſtiones Theologicas de præcipuis doctrinæ Chriſtianæ capitibus juxta Seriem Locorum publicis lectionibus proponet. Privatim dogmata ſacra explicabit, atque ad artem homileticam auditores manuducet: nec non publice diſputaturis operam prompſe accommodabit.

**FRIDERICUS WENZ D.** publice in explicatione librorum N. Teſtamenti perget atque, abſoluta expiſtola ad Colof.

Colossenses, eas enarrabit, quas Paulus ad Thessalonicenses scripsit. Privatim præcepta explicandi tradet, ut, his recte cognitis, in explicanda sacra scriptura feliciter procedant, qui tandem ex ea coetum ecclesiasticum docere, in cœlesti veritate confirmare, & ad salutem perducere sibi proposuerunt. Illis etiam, qui Theologiæ morali student, hanc exponet.

**IOH. BARTHOLDUS NIE MEIERUS, D.** Academiæ Senior, ac Controversiarum Professor, publicis lectionibus quæstiones, circa quas Pontificiorum Ecclesiæ ab orthodoxia desectunt, eò ordine, quò Concilium Tridentinum eas attingit, ad sacræ Scripturæ normam, adhibitis primitivæ Ecclesiæ consentientibus doctrinis, expendet. In domestico Auditorio fidei Christianæ dogmata discursibus illustrabit, atque institutis tam examinibus, quàm disputationibus privatis cum profectionibus repetet, viam hóc pacto ad sanctorum Morum Theologiam exactè percipiendam paraturus. Extantiora etiam Scripturæ Sacræ cùm Veteris, tum Novi Testamenti dicta illustrabit, iisque, qui publicis Disputationibus ingenii sui vires periclitari voluerint, operam addicet, neque in aliis bonæ eruditionis partibus Auditorum commoda promovere intermittet. Docet publicè horâ X.

## FACULTAS JURIDICA.

**IOHAN EISENHART D.** Expositione libri quarti Codicis repetitæ prælectionis brevi ad finem perducta, ad reliquorum librorum explicationem progredietur. Privata quoque industria pro desideriis cupidæ legum juventutis tum alias juris civilis partes, tum præcipue eam quæ ad usum fori manuductionem continet, illustrabit.

)( 2

JO-

**JOHANNES WERLHOFIUS** D. Pandectas, quarum libros jam XXVI. absolvit, publice interpretari perget, privatim auditorum se desiderijs, qua Privatum Jus, qua Publicum, attemperabit, tamque disputando, quam docendo, promptam cupidis præbebit operam.

**ANDREAS HOMBORGIUS** D. Canonici juris interpretatione perfunctus *Dn. Strykii Examen juris feudal.* publice explicabit; privatim instit. Justin. propediem absolvet, quas, una cum Pandectis, denuo tradere aggredietur disputationum publicarum telam, ad Pandectas ante trimestre ceptam, brevi pertexturus.

**JOHANNES WILHELMVS Engelbrecht** D. Finitis propediem lectionibus Institutionum, Constit. Criminal. publicè futuro semestri exponet. Privatim ceptum ad Digesta collegium absolvet, Institutiones etiam ut & alias Jurisprudentiæ partes ex desiderio Dn. Commilitonum auspiciabitur.

**GEORGIUS Engelbrecht** Publice in exponendis Novellis processum instruentibus occupatur, quibus absolutis *Differentias juris veteris & novissimi* tradet. Privata opera prælectiones & examina Institutionum propediem ad finem perducet, omnique diligentia commentationes suas ad Pandectas singulis diebus duabus horis urgebit, & finiet. Nec deerit iis, quibus industriæ & eruditionis suæ specimina publicis disquisitionibus submittere animus est.

## FACVLTAS MEDICA.

**ANDREAS JULIUS Böttcher** Med. D. & h.t. VRektor Absolutis illis, quæ ad accuratorem morborum cognitionem faciunt, generales circa morborum curationes regulas, & in praxi Clinica apprime utiles observationes publice proponet. His junget Chirurgica & Hornii micro-

crotechnen ulteriori discursu illustrabit, ita tamen has moderabitur lectiones ut nec illis, qui nondum satis in studio medico versati sunt, difficiles nimis videantur : Omnes autem in arte facienda egregiè juvent.

**JOHAN. GEORG. STEIGERTAHL D.** tempus academicis studiis destinatum in observationes aërometricas instituendas & edendas infumet, earumque primitias quamprimum licuerit, publicæ luci committet.

**AL. CHRISTIAN. GAKENHOLTZ D.** In *Physiologia* tradet ordine doctrinam de secretionibus, de generatione & de sensibus. Privatis Lectionibus *Medicinam staticam* Sanctorii volentibus exponet. Quid in horto, demonstrationibusque Botanicis acturus sit, quibusque plantis hoc anno hortum auxerit, Programme indicabit.

**BRANDANUS MEIBOMIUS D.** Demandatam à Serenissima & Potentissima Domo Brunsvico-Luneburgica professionem solenni nuper de rei Medicæ incrementis oratione ac præmissò programme auspiciatus in Pathologicis occupatur, & introductione in hæc studia absolutâ, Pathologiam generalem explicabit, inde ad specialem progressurus. Privatim ad usus & desideria studiosæ juventutis labores & industriam suam accommodabit.

## FACULTAS PHILOSOPHICA.

**HERMANNUS von der Hardt** Ling. Or. Prof. Ord. Demonstratis superiori semestri Judæorum antiquitatibus in Arca fœderis, nec non recensitis denuo Hoseæ Prophetæ 29. libellis, juncto R. Sakomonis Commentario, alios nunc Judæorum ritus illustrabit, & Amosum Prophetam ad Philologiæ normam enarrabit. Privatim alia Philologiæ momenta ex usu Auditorum futura expedit. Docet publice hora IX.

IV<sup>ST.</sup>

**IUST. CHRISTOPH. BÖHMER**, Polit. & Eloq. Prof. Ordin. publice, horis diuersis, ciuilis doctrinæ atque eloquentiæ sacræ præcepta denuo interpretabitur. Priuatim, iuxta alias, de antiquis Romanorum nummis consularibus & imperatoriis prælectiones continuabit. Docet publ. hor. X. & IV.

**CHRISTOPHORVS HENRICVS RITMEIER**, Postquam proverbialiter dicta insigniora ex Evangelistis & Actis Apostolicis absolvit, eidemque negotio nuper aliud quoddam à munere suo haud alienum lectionum publicarum argumentum interposuit, ad Epistolas Paulinas ac reliquas ordine progredietur, proverbiales istiusmodi locutiones inde eruet, & ex Antiquitatibus illustrabit. Privatam quoque institutionem suam in una atque altera bonæ eruditionis parte desiderantibus lubens gratificabitur. Docet publice hora III.

**RVDOLPHVS CHRISTIANVS WAGNER**, Math. & Phys. Prof. Ordin. in *Arithmetica* vulgari Praxeos, ita dictæ, *Italice* fundamenta proponet. In *Algebraicis* autem operationibus, post extractionem radicum ex binomiis, ad præcepta, de reducendis æquationibus, nuper fecit progressum. His perceptis ipsam *problematum* constructionem aggregietur, usumque thesium, hætenus calamo exceptarum, in *exemplorum analyticorum*, per singula æquationum genera, solutione C. D. demonstrabit. In *Physicis*, absolutis de *Aere* commentationibus, novas de *Ignis*, ex placitis incomparabilis, difficili hoc in argumento, viri *Pauli Casati* exordietur. Priuatim dogmata *Optica* practica, *Gnomonica*, *Statica*, *Trigonometrica Sphærica*, ut et *Physica*, ad finem iam tum cum Deo deduxit: in *Algebraicis* autem adhuc detinetur exercitiis. Præter hæc ipsa, quas desiderarunt, tum *Mathematicas*, tum *Physicas* scholas denuo aperiet, in singulis ad voluntatem et commoda Commilitonum sese compositurus. Docet publ. hora **FRI.**  
I. ma & VI. ra

**FRIDERICH AUGUST HACKMAN** elegantissimam illam illustri Hugonis Consultationem de *abusu Appellationum, & Recessum Imperii novissimum* una cum tribus posterioribus *Pacificationibus* lectionibus perget explicare publicis: privatis verò *iuxta naturam & publicum* ad ductum Grotii & Hugonis exponet, Nobilissimisque aderit Dominis Commilitonibus, qui ex utraque malint Jurisprudencia feligent materias, quarum publica ventilatione præstantes ingenii vires indigent. Docet publicè hora V.

**CORNELIUS DIETERICIUS KOCH**, Philos. prim. & Log. Prof. Ordin. absolvit publice *Metaphysica & Regulas Philosophicas* selectiores. Proximo semestri Logica, i. e. *Dialectica & Analytica*, iterum publice docebit, inque Autore harum doctrinarum, quem exponet, virtutes & vitia sedulo notabit. Privatim scholas in alterutram Philosophiam sibi commissæ partem petentibus aperiet, atque ad *Deambulationes philosophicas* Commilitones novos Programme invitabit. Specimini H.<sup>do</sup> *Emendationum Philosophicarum, & Dissertationi de Varietate Opinionum*, doctorum Juvenum laboribus, similia diligentæ argumenta publicaturis Ingeniis, promptam præstabit operam. Docet publicè hora II.<sup>da</sup>

**GEOGRAPHUS Engelbrecht** Moralium Prof. Ordin. publice finitis *juris Naturæ ac Gentium* prælectionibus *doctrinæ moralis fundamenta* tradet. Privatim cultissimum *Pufendorfii* libellum de *Officio Hominis & Civis* interpretabitur, aliasque exercitationes pro ratione muneris sui ex voto Auditorum auspicabitur.

**JO. GEORGIUS ECCARDVS** Historiarum Prof. Ordin. Finita *Historia univers. lis, quæ tempora natæ Christi antecedit*, explicatione, perget jam, & *Historiam universalem à Christo nato ad imperium Caroli M. consuetâ methodo publicè* proponet. Videbunt ibi Domini Commilitones Romani imperii florem

florem & interitum; Ecclesiæ nostræ parva initia, & subita incrementa, Patrum omnium nec non præcipuorum Hæreticorum gesta & scripta. Percipient, quicquid unquam eleganter litteris mandatum in Latio, & quomodo tandem eruditio & eloquentia Romana barbariei succubuerint: audient irruptiones nostræ Nationis, hoc est, Gothorum, Vandalorum, Longobardorum, & cæterarum gentium in Italiam: causasque tot in ecclesiâ & republicâ mutationum ex ipso intelligent. *Privatim* autem continuabit *Lectiones in Novellas five Relationes rerum novarum*, & *Programmate* proximè publicando plura de hoc instituto cum iis, quibus illud placet, communicabit. *Privatim* etiam *Notitiam rei litterariæ, usumque Bibliothecarum*, bonarum artium cultores candidè docebit. Nec præterea deerit iis, qui in Geographicis, Genealogicis, Heraldicis aliisque suæ Professionis partibus ipso direttore progredi cupiunt. Docet publicè horâ VII.

**JONAS CONR. SCHRAMMIUS** S. Th. L. & Pr. Extr. absolutis *Lectionibus Hebraicis Fundamentalibus*, quarum initium ante hoc trimestre spatium publico *Programmate* significabat, *Introductorias*, quas promisit, in *Philosophiam universam* propediem inchoabit, & pluribus idèd dissetet *Programmate* præliminari. *Cursum Philosophicū* horis privatis prosequetur, *Philologicum* verò aggredietur. Publicè docet hora XI.

---

**H**Abeunt in hac academia & illi, quibus integrum est sua studia certis distinguere intervallis, præter lectorem linguæ Gallicæ, in arte equitandi, ludisque, palestrico & saltatorio, Magistros, longo barum rerum usu exercitatissimos.